




ŽIVOTINJE KAO SIMBOLI NACIONALNIH PARKOVA



PELIKAN



Kudravi pelikan simbol je Nacionalnog parka Skadarsko jezero i najveća ptica na našem prostoru. Izvanredan je letač, odličan plivač i nenadmašan ribolovac.

Pelikani ispod kljuna imaju rastegljivu kožnu kesu. Vjeruje se da tu pelikan čuva ulovljenu ribu. Zapravo, kesa je njihov "ribolovački alat", pomoću koje lovi ribu u plitkoj vodi, jer je pelikan jedina ptica-plovuša koja ne može zaroniti. Iz kese hrani mlade, a njome se hladi za vrijeme vrućih ljetnjih dana.



Gnijezdo gradi ženka, a mužjak donosi materijal u kesu.



MEDVJED



Ime medvjed potiče iz staroslovenskog jezika i znači „onaj koji zna gdje je med". Mrki medvjed je najveći sisar na prostoru Crne Gore i **simbol je NP Prokletije.**


Obično naseljava šumske zajednice na velikim teritorijama, izbjegavajući ljude i krećući se uglavnom preko noći, pa se generalno rijetko viđa. Zbog toga se prisustvo medvjeda može registrovati po tragovima koje ostavlja tokom svoje aktivnosti.



Dužina tijela je 2 - 3,3 metra, a kad se usprave na zadnje noge mogu biti visoki do 3,8 m. Stopalo medvjeda je obično široko 15-15 cm, a dužina oko 6 cm (meče) do 30 cm (veliki mužjak).



DIVOKOZA



Divokoza je zakonom zaštićena vrsta i **simbol Nacionalnog parka Durmitor**.

Karakteristična odlika divokoza je njihova crno bijela glava. Bjela linija je karakteristična za čelo, obraze i vratni dio, dok se crna linija pruža od njuške, preko očiju pa sve do ušiju.

Ova atleta nastanjuje izuzetno zahtjevne planinske terene, uključujući strme litice, kamenite padine i visoke planinske vrhove, gdje se kreće s lakoćom. Jako je vješta u skakanju sa litice na liticu što joj pomaže da izbjegne opasnost i pronađe hranu u nedostupnim područjima.

Balkanske divokoze često se kreću na većim nadmorskim visinama ljeti kako bi izbjegle toplinu, dok se zimi spuštaju prema nižim dijelovima kako bi pronašle hranu.



SRNA



Srna je šumska životinja i **simbol Nacionalnog parka Biogradska gora.**

Srne imaju vitko tijelo i tanke noge, što im omogućuje veću pokretljivost i lakše manevriranje kroz šumske terene.

Srna se kreće hodom, kasom i skokom, a odličan je plivač.



Iako ih ljudi smatraju parom jelen i srna su dvije vrste, obje su povezane sa šumskim i livadskim ekosistemima. Postoje razlike između njih. Jeleni su obično znatno veći od srna. Krzno jelena obično je smeđe s karakterističnim bijelim pjegama na leđima. Srne imaju slično obojeno krzno, ali često je više sivkaste boje s karakterističnom bijelom pjegom u obliku srca na zadnjem dijelu.

Mladunče od srne je lane. Ono je smeđe boje, sa bijelim pjegama do prvog linjanja.

Na kraju ženka od jelena je košuta, a mužjak od srne je srndać.



SURI ORAO



Suri orao je simbol NP Lovćen.

Zahvaljujući svom veličanstvenom letu i kraljevskom izgledu nosi naziv „kralj ptica“, a zbog zlatne boje perja na zadnjem dijelu glave i vrata naziv „zlatni orao“.

Gnijezdi se na liticama i u klisurama prilično male nadmorske visine (200m) do najviših planinskih grebena. Najveći dio dana provodi u letu, penjući se s lakoćom i do 3 000 m od zemlje. Obično lovi tako što u niskom letu detaljno pretražuje teren i napada brzo hvatajući ili udarajući plijen kandžama.

Ove moćne ptice mogu letjeti brzinom od 120 do čak 160 km na sat i najveća je ptica iz roda grabljivica .

